



Moi Leal e Excelentísimo Concello de Carral (A Coruña)

Campo da Feira, nº 1 // C.P.: 15175 // Tel.: 981670002 Fax: 981 6722 82// C.I.F.: P-1502100 I

DECRETO DA ALCALDÍA

ASUNTO: CAMPAÑA DA NEVE 2025 - DEPUTACIÓN

EXPEDIENTE: 2024/D002/000023

EXPEDIENTE DECRETO: 2024/G003/000494

Logo de ver as condicións xerais da Campaña da Neve 2025 organizado pola Deputación Provincial da Coruña, que terá lugar entre o 10 de xaneiro e o 17 de febreiro do 2025 na estación invernal Valgrande-Pajares, Dirixida a rapaces e rapazas de entre 11 e 15 anos empadroados nalgún dos concellos da provincia da Coruña.

Logo de sernos comunicado a este Concello a adxudicación de 6 prazas para rapaces e rapazas empadroados en Carral, que acudirán na segunda quenda da campaña da Deputación, entre o 17 e o 20 de xaneiro de 2025.

Despois de ver que as condicións xerais da Campaña da Neve 2025 asignan a cada concello a tarefas de promoción e difusión, o procedemento de inscrición e recepción da información, así como a selección dos rapaces e rapazas mediante sorteo público perante a Secretaria municipal (no caso de que o número de inscritos fose superior ás prazas adxudicadas), e ademais establece que este proceso débese levar a cabo entre o 8 de novembro e o 21 de decembro, tendo preferencia aqueles rapaces e rapazas que nunca asistiran ás Campañas da Neve da Deputación,

Vista a proposta de bases reguladoras da convocatoria da Campaña da neve da Excma. Diputación Provincial de A Coruña para o ano 2024 que constan no expediente Tedec sinalado redactadas polo Técnico de Deportes do Concello de Carral.

Á vista do devandito informe proposta (que serve de motivación deste acto, de acordo co establecido no artigo 88.6 da Lei 39/2015, do 1 de outubro, do procedemento administrativo común das Administracións Públicas) en uso das facultades outorgadas legalmente en aplicación do disposto no artigo 21 da Lei 7/1985



Moi Leal e Excelentísimo Concello de Carral (A Coruña)

Campo da Feira, nº 1 // C.P.: 15175 // Tel.: 981670002 Fax: 981 6722 82// C.I.F.: P-1502100 I

de 2 de abril de Bases do Réxime local polo presente **RESOLVO**:

PRIMEIRO.- Aprobar as bases propostas polo departamento técnico para regular a convocatoria pública para a participación na Campaña da Neve da Deputación Provincial da Coruña, así como o procedemento a seguir coas 6 prazas para rapaces e rapazas empadroados no Concello de Carral, que deben de ser tramitadas dende esta Administración:

“BASES REGULADORAS DA CONVOCATORIA DA “CAMPAÑA DE NEVE DA DEPUTACIÓN DA CORUÑA PARA O ANO 2025” DIRIXIDA ÁS PERSOAS EMPADROADAS NO CONCELLO DE CARRAL

1. OBXECTO:

A Deputación da Coruña, dentro da súa programación deportiva para o ano 2025, pon en marcha unha campaña de esquí na estación de Valdegrande - Pajares, destinada a 600 nenos e nenas da provincia da Coruña, de entre 11 e 15 anos cumpridos a 31 de decembro de 2024.

Estas bases teñen por obxecto regular a convocatoria pública para a participación nesta campaña dado que son designadas **6 prazas** ao nenos e nenas empadroados no Concello de Carral que han de ser tramitadas dende esta Administración.

2. PROGRAMA E PREZO:

- **Lugar:** Estación de esquí Valgrande – Pajares (Asturias)
- **Quenda:** O Concello de Carral foi incluído na primeira quenda, do 17 ao 20 de xaneiro de 2025 (ambos inclusive). A entrada dos rapaces e rapazas na estación será o venres antes do xantar e a saída o luns despois do xantar.
- **Prezo:** 85,00 € por rapaz/a.
- **Destinatarios:** Rapazas e rapaces empadroados/os no Concello de Carral.
- **Idades:** con idades comprendidas entre os 11 e os 15 anos ambas as dúas idades cumpridas a 31 de decembro de 2024.
- **Prazas:** a Deputación da Coruña destina **SEIS (6) PRAZAS** ao Concello de Carral.
 - o Os participantes neste programa gozarán de 4 días con aloxamento determinado pola Deputación e manutención, a si mesmo contarán con cursos de esquí e actividades complementarias na estación invernal indicada.
 - o A Deputación responsabilízase da maior parte dos gastos ocasionados polos cursos: transporte de todos os participantes, dende o punto de recollida en cabeceiras de comarca, estancia, manutención, monitores, clases de esquí, seguros, alugamento e material, remontes mecánicos na estación e actividades varias.
 - o As persoas participantes que resulten beneficiarias deberán aboar unha cota de inscrición e cumprir con todas as condicións impostas pola Deputación, de xeito especial coas publicadas na páxina web www.dacoruna.gal/deportes/actividades



Moi Leal e Excelentísimo Concello de Carral (A Coruña)

Campo da Feira, nº 1 // C.P.: 15175 // Tel.: 981670002 Fax: 981 6722 82// C.I.F.: P-1502100 I

3. PROCEDEMENTO DE ADXUDICACIÓN DAS PRAZAS:

- a. Pre-inscrición:** dende o **8 de novembro desde ás 08:30h ata o 2 de decembro de 2024** ás 14:00h, a través do Rexistro Municipal. Só se aceptaran solicitudes recibidas mediante o seguinte formulario oficial do programa que se poderá descargar na páxina web www.dacoruna.gal/deportes/actividades, da web www.carral.es ou conseguir nas dependencias da Casa da Cultura de Carral.
- b.** Non será preciso achegar ningunha documentación nesta fase de prescrición.
- c.** Seguindo as directrices da Deputación, **terán preferencia** na adxudicación das prazas aquelas persoas que non acudiron á Campaña da Neve en anos anteriores.
- d. Sorteo das prazas:** No suposto de que existan máis solicitudes que as prazas concedidas, para establecer a orde de adxudicación de prazas celebrarase un sorteo público, o mércores 4 de decembro de 2024, ás 10:00 h. no Salón de Plenos da Casa Consistorial. A celebración deste sorteo publicarse no taboleiro de anuncios da sede electrónica municipal, nos taboleiros municipais, na páxina web e redes sociais. Ademais comunicaráselles por mail aos interesados.
- e. Orde do sorteo:** Primeiramente procederase a facer un sorteo con aqueles rapaces/zas que non acudiron á Campaña da Neve en edicións anteriores. Rematado este, procederase ao sorteo daqueles solicitantes que xa participaron en anos anteriores en dito programa provincial.
- f. Procedemento dos sorteos:** ambos sorteos realizaranse perante a Secretaria Municipal, seguindo as seguintes pautas:
- o En primeiro lugar comprobaranse os nomes das persoas participantes que estarán impresos en cadanseu papel de idéntico tamaño.
 - o Seguidamente dobraranse cada un de xeito idéntico e introduciranse nunha furna transparente.
 - o A continuación procederase á extracción dos nomes dos rapaces e rapazas pre-inscritos/as, seleccionando en primeiro lugar a orde das 6 persoas que poderán ocupar as prazas asignadas ao Concello de Carral pola Deputación Provincial, así como tamén establecerase unha orde de prelación para as persoas suplentes

4. MATRÍCULA E FORMALIZACIÓN DAS INSCRICIÓNS:

- Dende o 5 ao 16 de decembro de 2024, ambos os dous inclusive, a través do correo electrónico deportes@carral.es ou presencialmente na Casa da Cultura, os interesados/as deberase formalizar a matrícula segundo as normas e documentación solicitada pola Deputación da Coruña.
- En caso de non presentar dita documentación entenderase que se renuncia á praza, adxudicándose a mesma a seguinte persoa na listaxe de agarda.
- Será necesario achegar, cando menos, a seguinte documentación, e/ou aquela que sexa requirida pola Deputación da Coruña:
 - o Ficha de inscrición debidamente cuberta e asinada da Deputación da Coruña.
 - o Fotocopia do documento de asistencia sanitaria.
 - o Fotocopia do libro de familia ou carné de identidade.



Moi Leal e Excelentísimo Concello de Carral (A Coruña)

Campo da Feira, nº 1 // C.P.: 15175 // Tel.: 981670002 Fax: 981 6722 82// C.I.F.: P-1502100 I

o Xustificante de pago da cota (unha vez adxudicadas as prazas, informarase da conta onde se realizará o ingreso, no que se fará constar "CAMPAÑA DE NEVE 2025 - DEPUTACIÓN DA CORUÑA" - CONCELLO DA CORUÑA e NOME da nena/o).

o No caso de tratamento específico ou doenza que sexa necesario ter en conta, xustificante médico asinado polo facultativo pertinente. Importante facer constar as alerxias alimenticias ou de calquera outro tipo.

5. OUTRAS DISPOSICIÓNS:

- Non se permite a cesión a terceiras persoas da praza asignada.
- Os datos e a documentación achegada das persoas participantes será remitida á Deputación Provincial no tempo e forma sinalados por ela.”

SEGUNDO.- Publicar esta resolución que contén as bases no taboleiro de anuncios da sede electrónica municipal e dar conta ao Pleno do Concello na próxima sesión ordinaria que se celebre.

Concello de Carral, na data de sinatura electrónica que figura á marxe

O Alcalde
Asdo.- FRANCISCO JAVIER GESTAL POSE

Dou fe, a Secretaria
Asdo.- REBECA VÁZQUEZ VÁZQUEZ